

Plan Estrategikoa

2022-2030

Laburpena



EUSKADIKO GGKEen
KOORDINAKUNDEA

COORDINADORA
de ONGD EUSKADI



EUSKADIKO GGKEen
KOORDINAKUNDEA

COORDINADORA
de ONGD EUSKADI

www.ongdeuskadi.org

Araba

Simone de Beauvoir elkarteen etxea
San Ignacio de Loyola 8, 3. pisua, 1. bulegoa.
01001. Vitoria-Gasteiz.
945 280 745
araba@ongdeuskadi.org

Bizkaia

Erronda z.g. (5. zenbakiaren aurrean), 3. pisua, C bulegoa.
48005. Bilbao.
944 150 300
bizkaia@ongdeuskadi.org

Gipuzkoa

Iparragirre 8, behea.
20001. Donostia.
943 463 526
gipuzkoa@ongdeuskadi.org

Vitoria-Gasteizen, 2022ko martxoaren 10ean egindako Ezohiko Batzar Orokorrean onetsitako dokumentua.



Koordinakundearen helburu orokorra da erreferentziazko agentea izatea solidaritatean, erantzunkidetasunean eta justizia globalean. Horretarako, sendotu egingo da, genero-ekitatearekin, Koordinakundearen zeregina, batetik, giza garapen jasangarriarekin koherenteak diren politika publikoen diseinu eta laguntzan, eta, bestetik, gizarte zibilaren eta bestelako agenteen sustatzaile moduan daukanarekin.

Zehazki, 2022-2030eko Plan Estrategiko honek 3 erronka estrategiko ditu, eta horiek 12 helburutan zehazten dira, bakoitzari dagozkien ekintza-ildo, adierazle eta kronogramekin. Aipatu beharra dago, zortzi urterako plangintza denez, edukiak oso orokorrak direla. Horregatik, zehaztasun handiagora eramango dute arloek, lan-taldeek eta biltzarrek egindako bi urteko plan operatiboek, baita erakunde finantzatzaileekin izandako negoziazio aldebikoen bidez egindakoek ere.

Ondoren, 3 erronka eta 12 helburu horien eskema dugu, eta aurrerago azalduko ditugu zehatzago:

01

Euskal lankidetza konprometituaren alde eragitea, eraldaketa sozialera, justizia globalera eta giza eskubideetara bideratuta dagoena

02

Eraldaketa sozialerako lan egitea

03

Sektorea indartzea

1.- Erreferentziazko agentea izatea lankidetza-politikaren defentsan.

2.- Giza garapen jasangarriarekin koherenteak diren politikak bultzatzea.

3.- Beste harreman-esparru orokor bat eratzea, ikuspegi zabal eta anitza daukan lankidetza eraldatzailea antolatzeko (mugimendu feminista, ekologista...).

4.- Lankidetza-politikarentzat beharrezko aurrekontu-zuzkiduran sakontzen jarraitzea.

1.- Justizia soziala lortzeko, mobilizatuta dagoen herritar kritiko eta parte-hartzaileak bultzatzea.

2.- Hezkuntza oinarri izatea, eraldaketa sozialean kontzientzia kritikoa eratzeko hezkuntza formalean, ez-formalean eta informalean.

3.- Eraldaketa sozialerako hezkuntzaren sustapenean lan egiten jarraitzea, GGKE-en artean eta bestelako agente estrategikoekin.

4.- GGKE-en lana eta lankidetza ikusgai egitea eta ezagutzera ematea komunikazioaren bitartez, eraldaketa sozialari egiten dieten ekarpenei garrantzia emateko.

1.- Koordinakundearen identitatearekiko eta iraunkortasunarekiko konpromisoa finkatzea.

2.- Bazkide diren GGKE-en arteko antolakuntza hobetzea.

3.- Kudeaketa eta jasangarritasun ekonomikoa.

4.- Ezagutza eta posizionamendu eraldatzaileetan sakontzea.

01 Euskal lankidetza konprometituaren alde eragitea, eraldaketa sozialera, justizia globalera eta giza eskubideetara bideratuta dagoena

30 urte baino gehiagoko historian, Koordinakundean, eraginean zentratu dugu gure lanaren eta jardueraren zati handi bat, kalitatezko politika publiko finkoa, sendoa eta eredugarria lortzeko lankidetzaren arloan. Beti hobetzeko tarteak badago ere, bidezkoa da aurrerapen eta lorpen nabarmenak aitortzea.

Euskal lankidetza-politikak aitorpen eta eragin handia dauka. Izan ere, eredu horrek sareak sortzen ditu gure ekintzak egiten ditugun herrialdeen mugimenduekin, eta gizarte zibila antolatzen du, injustiziak eratzen dituen sistemarekin kritikoa.

Hala eta guztiz ere, batzuetan, badirudi euskal lankidetza ez dagoela eztabaida politiko garrantzitsuetan. Horregatik, inoiz baino beharrezkoagoa da ehun sozial sendo eta antolatua eratzea, kontuan izanik gaur egungo testuinguruan munduko gatazkek, polarizazioak eta estremismoek duten goranzko joera arriskutsua gero eta handiagoa dela. Ehun sozial horrek kontzientzia kritikoa eratu behar du, eta gure ordezkariak politikoko guneetan gogorarazi behar du garrantzitsua dela pertsona ororen giza eskubideak modu ukaezinean eta inolako aitzakiarik gabe defendatzea.

HELBURUA

1.- Erreferentziazko agentea izatea lankidetza-politikaren defentsan.

Koordinakundean erreferentziazko erakunde bultzatzailea izan nahi dugu lankidetza-politikaren hobekuntza iraunkorrean. Horretarako, lan egingo dugu parte hartzeko eta erabakiak hartzeko guneetan daukagun eragina handitzeko, ekarpenak eginez, eta eginkizun aktibo eta proposatzailea izanda.

HELBURUA

2.- Giza garapen jasangarriarekin koherenteak diren politikak bultzatzea.

Koordinakundea erakunde aurrekaria izan zen politika koherenteak erreklamatzeko orduan. Argi zuen ezin zirela lankidetzan estrategia eraldatzaileak martxan jarri, gainerako gobernu-ekintzatik erabat deskonektatuta bazeuden. Lehen urratsetatik gaur egun arte, asko sakondu eta garapen handia egon da. Orain, gainera, GJHen baliabidea daukagu. Tresna aproposa izan daiteke, giza garapen jasangarriarekin koherenteak diren politiketan sakontzeko.

HELBURUA

3.- Beste harreman-esparru orokor bat eratzea, ikuspegi zabal eta anitza daukan lankidetza eraldatzailea antolatzeke (mugimendu feminista, ekologista...).

Esparru horretan, Koordinakundea eraldaketa-agentea da kolektibo askotariko baten asmoak eta jakintzak batzeko; pentsamendu-eskema tradizionalak hautsi, eta gai izan behar dugu ikuspegi eta planteamendu berritzaileekin lan egiteko.

HELBURUA

4.- Lankidetza-politikarentzat beharrezko aurrekontu-zuzkiduran sakontzen jarraitzea.

Aurrekonturik gabe ez dago politikarik. Inplementazioa ahalbidetzen duen aurrekontu-zuzkidurarik ez badago, egingo dugun guztia asmo-deklarazio hutsean geratuko da. Koordinakundeak eskatzen jarraitu behar du nazio errenta gordinaren (NEG) % 0,7 lankidetza-politiketarako betetzen dela.

02

Eraldaketa sozialerako lan egitea

Injustiziak eta desberdintasunak sortzen dituen sistema bidegabe bat eraldatu nahi dugu. Sistema horrek zapalduta dauden masa handien rola iraunarazten ditu, eta automaten antzera eramaten gaitu erantzutera eta eredu hori errepikatzera. Baina uste dugu pentsamendu kritikoaren eta kontzientzia hartzearen gakoetako bat izan behar dugula, eta baieztatu egiten dugu hezkuntza eraldaketa sozialerako eragilea dela. Eragile horrek, izan ere, izugarrizko potentziala dauka, eta eraldaketa sozialaren zerbitzuan jarri eta ustiatu behar dugu.

Gure ustez, komunikazioa istorio berri bat sortzeko aukera anitz eskaintzen dizkigun tresna da, eta horren bidez itxaropena eta alternatiba eskaintzen saiatu behar dugu, inor atzean geratzen ez dela bermatzeko.

HELBURUA

1.- Justizia soziala lortzeko, mobilizatuta dagoen herritar kritiko eta parte-hartzaileak bultzatzea.

Hezkuntza eraldatzailearen gakoetako bat da tresna, trebetasun eta baliabide zehatzak ematea, herritarrek mobilizatzeko eta eragin sozial eta politikoa izateko, eta, beraz, erronka globalen aurrean aldaketarako subjektu aktiboak bihurtzeko. Mobilizazio-bideak etengabe aldatzen ari direnez, estrategia berriak diseinatu behar ditugu herritarrengana iristeko (batez ere gazteengana).

HELBURUA

2.- Hezkuntza oinarri izatea, eraldaketa sozialean kontzientzia kritikoa eratzeko hezkuntza formalean, ez-formalean eta informalean.

Ibilbide handia dauka GGKE-ek ikastetxeekin eta unibertsitateekin eraldaketa sozialerako hezkuntzan egiten duten lanak, eta Koordinakundea osatzen duten erakundeen muinera iristen da. Helburu honek lan antolatu hori sendotzearen alde egiten du. Izan ere, gune horiek funtsezkoak dira gizarte informatu, sentsibilizatu eta proposatzailea lortzeko eta, beraz, eraldaketa sozialerako.

HELBURUA

3.- Eraldaketa sozialerako hezkuntzaren sustapenean lan egiten jarraitzea, GGKE-en artean eta bestelako agente estrategikoekin.

GGKEok funtsezko eginkizuna daukagu eraldaketa sozialerako hezkuntza bultzatzen, baina ezin dugu modu isolatuan lan egin. Gero eta argiago daukagu ikuspegi intersektional batetik lan egin behar dugula. Helburu honek agenden, proposamenen eta erakundeen elkarrekiko loturan sakondu nahi du, nahi dugun eraldaketa horretan aurrera egiteko ezinbesteko bide moduan.

HELBURUA

4.- GGKE-en lana eta lankidetzak ikusgai egitea eta ezagutzera ematea komunikazioaren bitartez, eraldaketa sozialari egiten dioten ekarpenei garrantzia emateko.

Komunikazioa funtsezko tresna da gizartearen eraldatzeko. Aldaketa sozialerako komunikazio-paradigma horretatik, hain zuzen ere, Koordinakundean komunikazio-ekintzak egiten ditugu injustiziak eta giza eskubideen urratzeak salatzen, testuinguru globalean eta tokikoan pobrezia eta desberdintasunak eragiten dituzten kausei buruz jakinarazteko, eta herritarrengan solidaritatean eta justizia sozialean oinarritutako kultura bultzatzeko. Helburu horiekin, uste dugu ezinbestekoa dela komunikabideen eta kazetarien parte-hartze aktiboa, herritarrengana iristeko eta haien kezkekin (bir)konektatzeko.

03

Sektorearen indartzea

Lankidetzatza-politika publiko eta egonkorra lortzea (1. erronka) eta eraldaketa sozialerako lan egitea (2. erronka) posiblea izango da soilik, baldin eta sektore sendoa, mobilizatua eta desberdintasunekiko, pobreziarekiko eta giza eskubideekiko sentikorra badaukagu, eta gai izango da presioa egiteko eta salatzeke, eta aldaketak lortzeko proposamenak eta alternatibak eskaintzeko.

Halaber, ezinbestekoa da GGKEak sendotzen jarraitzea beren gaitasun tekniko eta politikoetan, eta gure erakundearen barnealderantz begiratzea ere bai, lankidetzaren sektorean gaurko eta etorkizunerako aurreikusten diren erronka guztiei aurre egiteko,

Horretarako, bazkide diren GGKE-ei baliabideak, ikuspegiak eta mekanismoak eskaintzen jarraituko dugu, beren lanean laguntzeko eta bai sektorea, bai haien esku-hartzeak sustatzeko. Erakundeen arteko antolamendua eta elkarrekiko laguntza sustatzen jarraituko dugu, sektorearen jasangarritasun ekonomikoa hobetzeko bideak behatuko ditugu, eta posizionamendu berritzaileetan sakonduko dugu, besteak beste. Gainera, erakundeekin batera, Koordinakundearen proiektu komuna eraikitzen jarraituko dugu, bertako parte izatearen sentimendua indartuz eta parte-hartzea bultzatuz, bestelako ekintza-ildoen artean.

HELBURUA

1.- Koordinakundearen identitatearekiko eta iraunkortasunarekiko konpromisoa finkatzea.

Koordinakundearen funtsezko balioa da erakundeen sarea izatea; hots, sektore heterogeneo baten aniztasuna biltzen duen erakundea da, baina printzipio komun sendoekin. Alde horretatik, erakundean daukagun erronka nagusienetariko bat honako hau da: ahots guztiak entzutea, parte hartzeko guneak eskaintzea, eta nor garen eta gure ekintza norantz bideratu nahi dugun sakonki eztabaidatzen hastea.

HELBURUA

2.- Bazkide diren GGKE-en arteko antolakuntza hobetzea.

Koordinakundean, beste hainbat arlotan bezala, gure lana sailkatzearen akatsa egiten dugu. Askotan eskatu dugu gune, gai-eremu edota lan-taldeen arteko elkarrekintza, eta horretarako hainbat pauso eman ditugu jadanik. Helburu honen bitartez, asmo horretan sakondu eta hobetu nahi dugu.

HELBURUA

3.- Kudeaketa eta jasangarritasun ekonomikoa.

Oinarritzat hartuta politika publikoan zilegi dela funts publikoen bitartez finantzatzea, baita lege bidez ere, ezin ditugu alde batera utzi horrek praktikan dakarren baldintzatzailea eta eredu misto baterantz aurrera egiteak ekarriko lukeen autonomia. Horretan oinarrituko da, funtsean, helburu hau.

HELBURUA

4.- Ezagutza eta posizionamendu eraldatzaileetan sakontzea.

Uste dugu Koordinakundea sorburu izan daitekeela (eta hala eskatu izan zaio, halaber, gune askotan), pentsatzeko, teoria berriak eta korrante ideologikoak erakartzeko, indarrean dagoen ereduari alternatibak eskaintzeko, etab; horiek gure ekintzari koherentzia- eta berrikuntza-esparrua emango diote.